

四庫全書

集部

欽定四庫全書

集部

石倉歷代詩選卷四百四十八

詳校官右中允臣薩敏

侍讀臣孫球覆勘

總校官進士臣朱 鈐

校對官中書臣汪學金

謄錄監生臣張裕國

欽定四庫全書

石倉歷代詩選卷四百四十八

明 曹學佺 編

明詩次集八十二

李夢陽

郊壇值雪

鳳輦連宵發雞鳴雪滿畿嚴隨黃鉞至清遶翠華飛伏  
謁深沾佩朝回半濕衣懸知清圻地冲默迓天威

卧病酬邊君天壇步月見懷之作

霽夕開芳甸祠官悵獨遊銀潢橫殿落壁月抱壇流漢  
時饒烟霧秦城逼斗牛甘泉詞調絕疲病若為酬

候輓

冬月初圓夕含悲候輦東閣門猶警蹕松柏已新宮象  
衛悲風入龍旂白霧中有髯渾欲挽雲墮鼎湖弓

朱遷鎮

水店回岡抱春湍滾白沙戰場猶傍柳遺廟只棲鴉萬

古關河淚孤村日暮笳向來戎馬志辛苦為中華

峴山

大名終不滅墮淚此山碑後進才非乏風流爾足師古  
堂陰漢水新路改城池回首隆中接秋雲兩處垂

冬日仁和門外作

寂寞何王殿遺魂此徑孤玉階蕃雪草野日自金鋪廡  
暝牛羊聚林風鳥雀呼白頭香火者猶護赤龍符

二

二塚累累接聊城復定安情哀宮獨盛世異柏同殘久  
雨石門塌新霜帷殿寒西陵時節望誰見綺羅歎

韓文公祠

素州山在城韓廟倚山清冕服前朝貌文章百代名古  
苔猶馬路春竹自鶯聲立望潮陽近翻翻海氣征

至黃花城

黃花城壓岑山合晝多陰坐見五陵霧來為九月霖泥  
生劒戟澀寒重鼓輦沈寂莫松林外那傳孤雁音

銀山寺

銀山倚鐵壁天外削三峯不見林中寺來聞午後鐘僧徒住石屋雷雨拔門松西望諸陵接雪成五色龍

出塞

胡蔓黃河限秦亡紫塞存磧沙浮落日塞霧宿疎墩  
馬三邊動燒荒百里昏將軍拜金印白骨不曾論

環縣道中

西人習鞍馬而我憚孤征  
水抱琵琶寨山銜木鉢城  
裹

瘡新罷戰挿羽又徵兵不到窮邊處那知遠戍情

詣別業

踟躕豈吾事郊遊惟獨行風回疑引騎雪落故連城塔  
樹凝先白臺雲曳未平感時侵歲晚華髮暗心驚

中湖寺

陟嶮扣岩扉疎鐘鳴翠微丹崖森竹樹雪壁映花飛屋  
冷鳴泉瀉山昏麋鹿歸松風高壑起雲卧欲沾衣

南湖



中湖果奇絕逾嶺復南湖石磴迴相倚岩泉有乍無開  
窗衆壑積當殿一峰孤更覽千林竹因懷長嘯徒

發九江

已發南風盛須時且復停岝沙延繫纜竹色隱回汀行  
待江水穩卧看廬阜青此生誰固料湖海一浮萍

豐安莊

地氣南逾熱僧林晚暫栖雲開一江去日在萬山西脩  
竹涼風至昏鴉古木齊凭高忽灑淚清世有征輦

圓通寺阻雨

巖扉隣虎穴淹坐面猴江山動雲生眼風迴雨入窗漸  
交松際響驀關石間龍鈴磬煙蘿外高峰只自雙

圓通寺阻雨聞石門碕橋斷水湧阻往東林

石門雨斷橋途塞虎溪遙仄想遠公室秋蓮應盡飄愁  
猿吟霧裏落葉重林腰更有天池望巖巖向碧霄

五老峰

東南濤浪吞五老古今存秀色彭湖浴諸峰廬嶽尊中

宵見海日南斗豁天門霜雪顏常靜雲烟解變魂

再至洞院

昔別秋色苦今遊風澗清穿石竹猶活過雨泉自生禮  
殿古門換釣臺新路平獨來誰每見雲日此峰情

折桂寺

折桂何朝院開基分翠峰窗明五老雪門掩半崖松泉  
瀑飛人面香臺印虎踪千巖誰得到百里但聞鐘

團山登望

團山當縣口石壁對峰饒日靜湖波歛天低島色遙風  
雲餘霸氣吳楚混前朝秋水年年落英雄恨不消

龜峰

立壁有天地浮雲無古今仲冬諸客到落日亂峰陰峭  
峽通人過危巖把酒吟奇多看不徹昏黑更登臨

泊安仁

官舟商泊同城近月濛濛戍鼓夜長擊漁燈時自紅烏  
鵲枝難穩豺狼穴易空向來論大樹心切古人風

鉛山

山水交閩越東南古縣聞一峰晴冒雪兩水晝蒸雲石  
井驚湖倚車盤鳥道分儒宮荊棘裏寒葉痛紛紛

市汊夜泊

此夜章江月無端照獨舟人生真梗泛歲暮且帆遊臘  
逼寒燈焰波吞霽雪流坐吟風雁起漁笛滿前洲

豐城夜泊

夏至北風至晚晴涼意增江船逼新月沙色亂疎燈暗

槩故相撥浮陽還自蒸倚檣看劍氣仍見斗間曾

舟往臨江即事

直岼含風細中江放舸安地隨帆席捲風進晚潮殘霞  
樹迎窗過晴山捲幔看遙驚雙浴鷺色舉向雲端

雨泊豐城

古岼花層濕陰江鷗半飛波迴撼船重雨側入簾微潭  
受金華湧亭傷寶氣稀二年三歷此腸斷北舟歸

自進賢趨撫州

炎域霜何屬寒原木欲稀肩輿隨落葉晨日上征衣仄  
路虬枝轉北風鴻翼歸東鄉新血戰巢破鳥猶飛

雲山渡

渡古雲山積江明日色饒霜融木更落野靜路堪遙冠  
蓋行相望干戈氣未消傷心弄兵者汝業本漁樵

玉峽驛夜泊

暑泊無風夜江船深自涼雲纖沾葛細月湧去波長古  
峽銜孤驛名山引玉梁前途堪躍馬旦發問仙鄉

白沙驛

沙古幽幽白江新泯泯清水銜村作國山繞驛為城萬里將南徼孤槎且暮征壯心與落日的的向波明

宜春臺春望

古州圖記見今望臨高臺人倚楚天盡風驅湘色來密雲生曉暝遠水上春雷尚有干戈淚馮軒眼倦開

澗富嶺赴安福

三月赴安城遙攀嶺路行前驅真避虎絕壁亦啼鶯周



覽物色換極高雲氣迎俯看南贛路孤舸會將征

曉至鄔子驛

湖夜乘風過天明見驛樓數家依獨樹落月隱平洲日  
抱越峰上江奔吳徼流姚源東水外兵甲氣還浮

仙樓

仙樓忽欲暝鐘鼓下江烟獨坐一燭秉當門新月懸石  
寒壇近斗沙靜樹浮天半夜朝羣帝珊珊羽節還

謝巖秋日始集

百戰江山在吾來草木秋孤城洞口落襄水席邊流去  
國雙王粲題巖只謝侯醉歸憶山簡飛興習池頭

秋望

蝶戲猶餘藥蟬吟已怯枝乾坤入漢日霜露望鄉時屈  
子偏生楚王生不負隋晚楓江更苦莫上峴山祠

古城春望

陰陰日欲暮迢迢春望稀野色吹寒立林鴉逆雨歸孤  
城還麥秀白首且花飛臨路長楊嫋前朝今是非

東陂秋汎

久說東陂好今陪上客遊  
綺筵開畫舫哀笛奮中流  
舞每低輕燕歌先起白鷗  
稍前休更進吾愛荻花洲

其二

水寺通人少松亭隔芰荷  
問僧舟暫艤登岾客同過  
草木秋風入湖山晚色和  
返橈須痛飲前路滿漁歌

與駱子遊三山陂

庫部平生友湖山百代心  
追思宮闕地蕪沒水雲深  
連

馬穿蘆入羣鷗坐石吟誰能堪落日莽莽古城陰

其二

丘壑胸應滿乾坤眼獨真揚鞭指河洛立馬說周秦古  
墓笙歌地前朝戰伐塵秋風颯颯起白草正愁人

上方寺鐘樓

臺上一鐘鳴登臺萬里平蒹葭天正遠雲氣暮還生饑  
雀喧空澤黃蒿斷古城不堪臨眺屢況是感秋情

上方寺鐘樓晚眺

危閣秋登霽寒煙晚坐重長風欲動地落日故銜峰葦  
颭騰雙鷺雲拖挂一龍此懷吾不淺怪爾暮鳴鐘

城南夏望和王相國

散步郊南望雛鴉款款飛園林惟草色時序已絺衣試  
粉蓮初膩殘香棟乍稀亦思河朔飲無奈賞心違

春日臺寺

寺僻春還麗人間午任遊行隨碧草遠話為老僧留池  
竹暗常潤龕花晚更幽塔端兩巢鶴怪爾亦優遊

酬京師友人見寄

浮雲悲故國，積水起鳴雷。  
不見長安日，愁登古吹臺。  
故人三月別，天上一書來。  
欲問經行處，山中杜若開。

繁臺餞客

萬里燕遊客，十年歸此臺。  
只今秋色裏，忍為菊花來。  
霜露凝秦望，衣冠餞楚材。  
不堪分袂苦，落日一鴻哀。

答伊陽殷明府見寄

古縣垂新柳，獨吟酬好春。  
琴清山在眼，花碧酒隨人。  
奈

此河陽令曾于漢署親郵筒定不惜有句念沈淪

南陽宅訪徐禎卿

東閭能留第南人暫亦居  
琴書遷卧內騎馬到庭除  
殘樹喧巢鵲微風走壁魚  
追思秉釣日冠蓋爛盈閭

張子抱疴避諠山寺閣別旬月作此懷寄

楚楚張公子悲吟度歲華  
棄官臨野寺服習向山家  
石髓遇不識黃精春始花  
洞中日月秘強食勝丹砂

得何子過湖南消息

及遇荆門信洞庭秋已淒湘江饒苦竹幾聽鷓鴣啼馬  
援留銅柱王褒祀碧鷄向南衝瘴癘藥物去曾携

秋雨訪李鍊師

便靜尋丹侶飛梁度赤城洞花含雨落階鶴下松迎雲  
霧生仙袂秋寒咽鳳笙余情曾浩蕩先品步虛聲

延慶觀訪陳州王君

珠閣晴逾麗仙林午自和我來驅獨馬笑爾溺雙鷺臘  
雪融樓薄溪風傍竹多雖非宛邱習吾醉亦婆娑



徙泰公方丈秋夜

秋林風色暮遊子念征衣鴻雁俱高起江山獨未歸月  
臨蓮室靜螢傍竹林微喜對離羣友吾生本息機

發京呂狀元送出城

旭日清霜麗關河獨雁飛征蓬各自遠會面後應稀渭  
水縈秦塞南山繞漢畿料君鄉思切只恐未能歸

答何子問訊

仲夏辭梁地中秋出夏臺醉行燕市月留滯菊花杯日

暮千行淚天寒一雁來亦知張季子不為食鱸迴

賢隱寺集贈

水落移舟穩山行酒暫隨寺高垂路細林密見僧遲樓閣登臨日江淮獨去時不應聊駐此愈重白雲思

獨對亭贈人過訪

孤亭瞰巨壑五老對銜巵日出峰煙起風涼谷樹悲石泉秋聽急山路晚歸遲異日東南賞應深廬嶽思

發貴溪高子輦舟送

旌旗飛近邑鼓吹送前舟  
禮餞諸生侍英僚並節遊  
長風驅暝色密霰響寒洲  
見月帆猶進山陰恨子猷

寄贈林都御史

錦水啼鶯起巴山春望微  
干戈滿眼急江漢一舟歸  
花送琴書色霜留斧鉞威  
所傷豺虎亂公也息鷗機

其二

諸葛能安蜀穰苴本善兵  
向來優起詔番作急流行  
老益丹心壯憂惟白髮驚  
祇憐川父老涕泣挽歸旌

顧子謫全州贈之

楚城悲遠望君去更悠悠十月逢南雁章江况北流寒  
沙帶宿莽霜月下孤舟明發湘東路應添弔屈愁

與樾堂子晚步

有伴沙行穩無雲楚望深江湖席下出樓觀鳥邊陰共  
繫南來跡孤帆北逝心徘徊忽復晚朗月散松林

九日楚山太華君同登

不入襄陽府秋山每自來那知楚峰上還共菊花杯繁

落層雲迴風生萬壑開却思羊叔子峴首獨悲哀

帽臺書院

駐賞林紅減登吟野綠圍故人率爾遇時序暗中違氣  
突芒碭斷雲低孟澤飛昔賢誰復此無羨酒酣歸

其二

興劇攀巍坐翛然俯日斜亭扶盤石樹崖綴殿春花薜  
服賓遊憶青衿閃釣槎綢繆不欲別風野暮鳴笳

臺館訪李秀才濂

李生梁國彥少小事沈冥春日古臺上獨行楓樹青花  
侵映雪壁鳥下草玄亭野闊看無際浮雲似洞庭

柬黃子

約隱情非飾今歸悔即遲田園荒欲盡親舊半相疑杯  
酒惟黃子儒門是白眉可能東郭柳日往聽黃鸝

酬唐禮部見寄

萬事終年懶諸人近日疎不忘惟墨客願見有音書倚  
伏休詢鵬生涯且釣魚問奇終缺酒不是草玄居

其二

蹈虎看貧達攀龍幾奮飛  
長歌百年內慘淡萬情歸  
種竹從過檻栽桑不慮衣  
神交古有在莫遣北鴻稀

送陳左使赴貴州

萬里洞庭西秋風入五溪  
瘴天開斧鉞山驛斷虹蜺  
水出牂牁繞城臨井宿  
低堂間花樹紫簫鼓閱雕題

其二

郡縣收殊俗封疆許舊臣  
去披炎嶺霧坐使瘴花春  
撩

郡知徭賦吏官學縉紳誰期召伯樹蔽芾五溪濱

早秋監察許君見過

五柳驄偏繫三山雨乍過夏蟬猶咽竹夕露欲傾荷眷  
此青雲客懷余白石歌相看恨易晚燈火發烟蘿

寄王贛榆

自汝謫東縣朝朝看海頭書纔一紙到別已十年周日  
就晚潮落城浮淮水流知君饒楚調激烈向清秋

寄王子蘇州



獨立望南天秋空月會圓此時一樽酒憶爾共嬋娟並  
馬遊燕日孤舟去越年斷腸今萬里心折暮江前

寄孟縣張明府

同年多出宰獨爾得河陽背郭園王屋開門對北邙詞  
章前令掩桃李舊花香何日乘雲起雙鳬入帝鄉

月夜柬張舍

風餐涼雨過露坐晚林幽汝對梁園月孰如金齒秋常  
星皆北拱顛海獨西流萬里清光再應懷今夜遊

繁臺送張內史侍母還蜀同毛袁監察

幸值高秋霽何愁蜀道難  
顧瞻知國念跋涉為親歡  
露菊沿江熟風林過棧寒  
故園如有夢應在五雲端

洪法寺遇鄉僧

爛熳春遊處重來冬日淒  
風松猶故壑露葉已新蹊  
廢井浮陽出巍阡凍霧棲  
逢僧話鄉曲寒望轉萋迷

送鄭淳入閩

江海發春濤南浮二月舠  
花行浙口盛雲近武夷高  
土

布離鄉貴衫難咤客號延平津上過珍閱匣中刀

送田生讀書上方寺

嗜靜甘違俗藏修合就僧綠移開徑竹寒掃護窗藤殿  
閣秋陰下琴書爽氣增不須匡氏壁常有玉蓮燈

月夜繁臺會兩監察

路葉風交落臺驄晚並行時寒物色換意遠世緣輕異  
國同觴地危樓片月情暝煙凭檻裏汴水凍猶聲

送甥嘉之茂州次玉溪侍御韻

雪山天地外經夏雪難消氣冷三城戍光通萬里橋誰  
言州不好汝去路寧遙縱使胡笳夕猶能夢入朝

送趙訓學滿歸

六旬千里客九載一羶歸路遠琴書重官貧妻子飢塞  
雲迎老鬢河色戀征衣會有秋行伴關山新雁飛

郊居柬竹溪子

當春弄杯醖花落恨紛紛重來日復幾飛葉滿秋雲寒  
流下雁影古戍噪鴉羣殘菊猶堪把長謠獨憶君

聞吳郡黃山人將遊五嶽寄贈

昨報東吳客將尋五嶽遊  
薜蘿堪製服春水正宜舟  
二室雲中峻三花烟外浮  
住居吾幸邇先肯到嵩邱

元日汴上雪霽

旭日薰江檻晴雲麗竹扉  
簷花雪色靜庭篠碧滋歸  
歲月高兒女行藏老薜薇  
眼看人共醉椒酒不堪揮

九日薛樓會集

不倦登樓目遙憐秋色重  
楓村疊暗浦霜日抱孤峰  
楚

越窻中地江山戰後容倚欄  
渾不語吾欲採芙蓉

清明曲江亭閣

寒食花爭麗豐江柳獨深  
此行元慷慨落日更登臨  
浩蕩五湖際風烟千里陰  
坐看舟楫急徒有濟川心

南康除夕

畏途值除夕會我得投閒  
海雪寒城古江春碧草還  
星河挂嶽樹燈燭慰歸顏  
竊計臨家日薔薇滿舊山

乙亥立秋

今日秋風起連年濕病蘇應時微雨歇侵曉斷雲徂已  
復寒蟬集空嗟蕙草孤步檐驚驟健一葉下庭梧

中秋

漢江江上月今夕去年看尚憶峴山曲秋城波色寒故  
鄉仍節序衰鬢且儒冠桂子真誰種天空落未乾

九日上方寺

賞時爭上塔乘月復登臺地盡中原入天空秋色來望  
鄉番恨雁有菊且銜杯却憶龍山帽徒增醉者哀

至日夜雪

至夜還深雪幽心獨小堂光離奪片月寒恐妬微陽壓  
竹寧迷翠沾梅只辨香一聲何處雁翅濕且高翔

乙酉上元上方寺

地愛僧林僻人邀燈節遊緣塍朝借馬改路晚登舟春  
水鳧鷖滿夕陽鐘磬幽相留待明月簫鼓在中流

丁亥立秋

火多常病熱殘暑特相欺今日涼風至颼然林竹披聞



雞每起早省稼獨歸遲  
天地蕭條意何須一葉知

古意

內廐飛龍馬君王賜玉鞭  
長鳴彩仗下立在紫騮先放  
浪緣何事飄零竟不旋  
如蒙敝帷顧萬里為君前

客散

尊傾客自散而我卧空林  
五月涼風至孤村細雨陰  
竹蘿垂野逕花草澹幽襟  
夢醒聞遙唱依稀楚鳳吟

定居

故業秦山北新居梁苑西平生一丘壑何處更安棲玄  
豹終隨霧神龍或困泥向來登眺夢常繞杜陵溪

登臨

屏迹良吾性逢辰每壯心花含向日霧柳變隔年陰行  
坐自芳草依棲還舊林高樓出迥絕無日不登臨

其二

春燕不巢屋國祥徵至今孤城四戰地斜日兩河陰岍  
坼陳橋斷花開宋苑深河船不入渭那慰望鄉心

早春繁臺

泯泯春猶早行行賞不違  
柳黃沙際見草碧雪中歸  
積水生雲氣孤城下夕暉  
誰禁臺寺望北雁又將飛

早春南郊

正月郊南路獨行吟早春  
冰霜猶在眼柳色暗隨人  
直道元通蔡層山故蔽秦  
浪遊今髮白凝望欲沾巾

下吏

十年三下吏此度更沾衣  
梁獄書難上秦庭哭未歸  
圍

牆花自發鎖館燕還飛  
况屬炎蒸積憂來不可揮

獄夜

簷景栖栖落臺居  
黯黯幽鼠緣爭果  
墜螢過隔衣  
流幸竊餘光照那蠲  
多穴愁亦知  
廣川子跼蹐為春秋

南征

暑行心日煩  
孤馬背中原  
地勢吞淮泗  
山形接鄧樊  
沿途官柳接吟  
夏麥秋繁赤日蒸  
雲夢科頭思故園

野泊

遠電明江夜官舟野泊稀  
山鐘天外落林火雨中微  
水立黃龍鬪沙霑白鷺飢  
平生萬里志可奈夢西歸

徐汧風阻雨雪

風急江船絕年殘野色凝  
密雲寒夜杳流霰灑舟燈  
四望湖天黑孤吟羈思增  
旁村有夫婦對火綴魚簪

七夕宜城野泊逢立秋

漢江天上水牛女世間宵  
自動黿鼉影誰傳烏鵲橋  
孤城古塞月一葉楚門潮  
君看西流火分明奪斗杓

繁臺歸集

萬里竟何事三年違此都短牆殘菊在別業古臺孤冬  
日低簷塔霜風靜野蕪但看頭盡白莫怯酒重沽

早春赴鮑相之飲

憐女一尊酒要予千古臺年從碧草換暖向玉杯來海  
日連波動江鴻帶雪迴衆賓無處起吾醉欲徘徊

早起莊上

為農起常早每與雞鳴期露重花偏得林深鳥自遲飛

星當面過落月向人隨玉佩金門外遙憐待漏時

莊上曉歸

萬動各有息吾亦念吾棲鴉翅昏猶接花蹊曲欲迷茅  
堂烟火外穉子竹林西自笑忙何事還家每宿雞

深秋獨夜

獨夕偏聞雁悠悠寢復興林堂下微月風色暗疎燈遲  
暮心難已悲涼氣轉增憂來理琴瑟腸斷舊朱繩

河上秋興

古有蒹葭客吾今水一方茅齋寒淊淊洲渚鬱蒼蒼獵  
騎捐河雁歸人競野航霜高木葉下莫擬是瀟湘

其二

坐送登臨目晴空鳥路長秋雲不近苑官樹自成行河  
洛來天地人煙接渺茫采蘭空澤裏彼美在何鄉

其三

白馬瓠子口秋風汾上歌帝鄉不可見千載白雲多樹  
動江帆至雲前塞雁過滄洲無盡極慷慨有漁簑



其四

一為梁地客怨及授衣天野靜寒烟白沙鳴暮雨懸飛  
龍過絕浦立馬看長川望望蘋花盡鷗行若箇邊

聞居寡營忽憶關塞之遊

西崦千家落防秋五百兵山長元入塞澗曲故穿營靜  
夜聞熊鬪黃昏報虎行昔時歡歷覽三度達平城

其二

孤蓬絕塞口匹馬戍城前跨迴煙墩直緣危石棧連飛

雲下獨石逝水入潮川舊對張軍帥題詩醉菊天

其三

春遊臨絕嶠月出卧空岑  
躋逐山中客常關物外心  
三峰藏淨宇百里羨雲林  
崕際劉高隱何時一重尋

大道觀會飲

敞閣元無暑清林更著烟  
人觴金像側馬繫石門前  
壁草侵衣冷壇花落酒鮮  
丹書半磨滅何處問諸天

二

殿閣生秋早，壺觴散客遲。  
蟬吟松露下，鶴入島雲隨。  
塵世人堪醉，蓬萊路竟疑。  
羨門如可作，願與跨青鷺。

三

與客搴瑤草，開筵倚洞花。  
盤堆白石髓，觴瀉赤城霞。  
靜悟陰陽轉，衰從髮鬢華。  
看君有仙骨，倘許授丹砂。

春宴

老為春憐酒，閒將客問花。  
檻楊晴故雪，階藥晚能霞。  
地與歌鶯囀，人爭舞燕斜。  
但來須共醉，莫使負韶華。

丙戌中秋召客賞之以雨多不至者

隔年期月易一夕借光難秉燭筵非改登樓客不歡竹  
風秋聽力松雨夜留寒天柱峰頭色應還似畫看

東園偶題

孤亭萬木裏獨坐一花飛老更知春色閒能到夕暉微  
風偏嫋蔓返照故燠衣隔院香逾好呼兒莫掩扉

南莊塘水渌漫補治小舟乘興泛遶數迴

久懷浮海意偶觸濟川心一艇方塘繞杳然春水深桃

花能泛泛雲日故陰陰還艤綠楊下番憎黃鳥音

月槐之下與程生談亦念其夏游自去歲

月出槐初定風微影尚搖念離仍是夏拚坐忽分宵星  
斗來天近塵沙去路遙別情兼望雨白首夜頻翹

春夜雪

獨客初春夜孤城急雪時戰風纔白地欺月已平池數  
聽鴻飛亂虛愁卉發遲世無戴安道誰見剡舟移

春雪時帝在宣府

鴉鳴曉雨至零亂忽成花著地融難白隨風弱易斜色  
應疑燕雀寒恐滯龍蛇塞路今休擁春風返翠華

菊

日麗秋霜白天清野菊黃亦知甘隱逸偏得近壺觴屢  
折元因醉斜簪一任狂乾坤傳舍耳節賞莫思鄉

華嶽二十韻

有嶽雄西土三峰挿渭川省方朝白帝分野障金天  
逖矣威靈赫遐哉秩望虔百王開寶錄七聖演瑤篇綺殿

丹青列文窗俎豆聯風雲蒸大壑日月避層巔驚舉天  
門闢鼇呿地軸旋巖巒莽翕沓嶺嶂鬱繚翩猿挂仙人  
掌蘿飛玉女泉霞霧夕的皪錦繡時相鮮葛藟搖金壁  
芝苓冒紫烟石膏滲復結鐘乳滴猶懸右壓秦胡壯南  
包漢鄧偏徒追散馬日緬憶祖龍年箭括通神戶雲臺  
秘妙筌豈惟棲鳳侶亦以遜鴻賢方士騎茅狗宮人採  
石蓮褰帷瞻窈窕拄笏悵攀緣陰井邀雷馭陽崖起電  
鞭聊遊凌絕頂不為學神仙

五月大雨省中八韻

五月行秋令新寒奪盛溫  
萋萋雲色暝颯颯雨聲奔  
啟戶涼風進臨溝驟浪喧  
連山浮海氣大陸走河源  
已阻金門謁疑將華屋翻  
夜更燈燭坐晝輟簿書煩  
豁霽思長劒歸栖憶故園  
解誦愁霖作泥中非遁言

雪臺子家見杏花

九陌春風起居庭一見花  
偶來吾下馬先有客停車  
猶是輕寒日那驚爛熳霞  
覓詩巡獨樹汎酒滴高葩  
色故



流衣袂香能染帽紗眼中俱是幻身外豈須嗟冷暖隨  
人事行藏付物華明朝約重賞莫遣落塵沙

赴郊觀宿

城邊水色靜春茅苑外鶯啼拂露梢萬戶煙花臨複道  
九天宮殿鎖南郊霓旌夜發清溪繞彩仗晨飛碧樹交  
身到鈞天渾不解坐聞仙樂下雲旂

西壇候駕即事

太歲宮高接禁墻先農大纛兩相望陰陰背日朱旗閃

黯黯參天翠柏長  
別殿爐烟清幄次  
虛壇草色淨琴張  
祠官指點躬耕地  
田畯行瞻袞鉞光

桂殿

桂殿芝房曙色通  
垂垂苑柳綠烟中  
桑乾斜映千門月  
碣石長吹萬里風  
已有金吾嚴御陌  
遙傳玉輅下齋宮  
侍臣鵲立松陰裏  
時倚紅雲望碧空

謁陵

本朝陵墓傍居庸  
聞說先皇駐六龍  
一自玉輿回朔漠

遂令金殿鎖金峯，明禋袞職雖多預。備物祠官豈盡供，  
報祀獨知今上切。每于霜露見愁容。

象山書院同友

曉岸霜林出並驄，冬晴丹壑自含風。遺祠俎豆攀緣日，  
往事荆榛想像中。半凍巖泉和雨斷，實連山谷暗雲通。  
寒蘿更洗磨崖讀，迴立徘徊落葉紅。

雪後朝天宮

馬上城中見雪山，白雲蒼霧滿燕關。蓬萊咫尺無人到，

松柏黃昏有鶴還當日翠華遊物外百年金殿鎖人間  
浮塵擾擾江湖遠悵望巖棲不可攀

春晴憶湖上

湖上晴烟積雪春柳條湖水接芳新林鶯恰恰稀逢侶  
岸日暉暉低向人汀芷渚蘭暄自碧浴鳬飛鷺晚相親  
弄移白日思魚舸嘯倚青雲愧此身

晚晴郊望

早時鳴雨晚細微忽有返照來荆扉山禽水禽交止語

桃花梨花相逐飛  
村村柳條弱欲斷  
家家麥苗青不稀  
睡起登樓時極目  
出雲歸岫願何違

郊行

二月梁園獨未歸  
岼花汀柳各依依  
且將弱縷牽行騎  
莫厭繁香點客衣  
蝶暖風暄從自得  
鳥黃沙白為誰飛  
平生漫有憐芳興  
未老能令萬事稀

時景

梁苑桃花寒復開  
塞門霜雪雁飛迴  
天涯涕淚秋偏墮

歲暮陰陽老更催無病過年遊五嶽不眠終夜望三台  
歸鴻漸木終非地濁浪滔天首重回

探春

老去探春每怕遲酒朋棋伴日相追無心柳絮當人起  
有意桃花背馬隨臺榭草蒿離亂後往來絃管古今悲  
幽崖尚慮殘梅在玉笛丁寧莫放吹

野園

春來無雨風常顛野園諸花更可憐輕車快馬此何日

弄藥攀條看遠天  
撲酒遊絲低細細  
近人閒蝶遇娟娟  
真知白日繩堪繫  
莫使孤城入暮烟

冬歸繁臺別業漫興

莽壙孤城此卜居  
宗臺梁苑獨行予  
虛名馬愧千金後  
白首螢憐萬卷餘  
踏麥遽堪寒葉翠  
看梅無那臘花舒  
相逢莫漫嗔吾放  
野醉郊吟盡可書

雪後上方寺集

雪罷園林出碧梧  
上方樓殿靜虛無  
日臨曠地冰先落

雲破中天塔自孤爛熳此堂人醉散一雙何處鶴來呼  
邀留更待松門月今夜同君坐玉壺

蒔植甫畢風雪遽至漫爾有作

草樹新培置藥欄醉吟閒凭足心寬豈虞晨雪媚媚布  
無那春枝颭颭寒猶有一花當坐媚幸留雙柏與人看  
日晴紅綠應全勝為勸先生且放餐

陶君誇其分司桃花獨樹余往觀之賦此

老懶今來特為花花奇親見主人誇入門風片時時墜



近酒春枝故故斜湖海一樽憐舊侶乾坤雙鬢愧年華  
明朝許赴柴門約共醉東園萬樹霞

正月四日始出赴黃子之宴南隣何儀賓以美  
醪助杯即席口占

杜門常日追遊少新歲初筵獨詣君幸有隣家能送酒  
況多賓客善論文樓臺霽日斜含雪竹樹和烟暮閣雲  
入夜不歸雙燭秉近尊猶喜落梅芬

陶王二君來賞牡丹

同城何苦不同歡  
況復春風到牡丹  
香滿正宜携酒問  
色深翻耐近燈看  
綠雲黃霧晴長擁  
澹月微霜夜故寒  
任使羣芳妬傾國  
古今須讓百花冠

艮嶽篇

宋家行殿此山頭  
千載人來水一丘  
到眼黃蒿元玉砌  
傷心錦纜有漁舟  
金縢社稷和戎日  
花石君臣棄國秋  
漫倚南雲望南土  
古今龍戰是中州

潼關

咸東天險設重關  
閃日旌旗虎豹閒  
隘地黃河吞渭水  
炎天白雪壓秦山  
舊京想像千官入  
餘恨逡巡六國還  
滿眼非無棄繻者  
寄言軍吏莫嗔顏

榆林城

旌干嫋嫋動城隅  
十萬連營祇為胡  
不見坐銷青海箭  
盡言能挽繡螭弧  
白金獸錦非難錫  
鐵券貂璫莫浪圖  
昨夜照天傳砲火  
過河新駐五單于

出塞

黃河白草莽蕭蕭青海銀州殺氣遙關塞豈無秦日月  
將軍獨數漢嫖姚往來飲馬時尋窟弓箭行人日在腰  
晨發靈州更西望賀蘭千嶂果雲霄

出輝縣城望石門山其上有仙潭玉鯉

明星欲落開縣城千峰萬峰初雪晴源泉亂石涓涓溢  
削壁孤雲裊裊生佑客深穿猛虎窟樵夫習傍翠巖行  
仙門屹立三潭水玉鯉空懸一線情

賢隱寺

在信陽州

谷寺鳴鐘午未深  
耽幽特與伴相尋  
行穿樹杪樓臺見  
坐傍山腰紫翠沈  
獨響澗泉傳石竇  
並飛梁燕入松陰  
徘徊自笑三江客  
佇望誰知萬里心

開先寺

讀書臺倚鶴鳴峰  
迴合千山翠萬重  
白晝懸泉喧霹靂  
清秋雙劍削芙蓉  
撐持古寺還雲閣  
寂莫前朝自暮鐘  
瑤草石壇應不死  
興來真欲誇飛龍

瀑壑晚坐

醉踏匡山晚未遲  
翠巖丹壑凜秋姿  
峰高瀑布天齊落  
峽靜星河夜倒垂  
遠害欲尋麋鹿伴  
暫羈終與世人辭  
摩崖徧剔蒼苔讀  
獨坐雲松有所思

龜峰寺

弋陽縣南山下寺  
三十二竒羅列峰  
最愛紫烟生石鼎  
絕憐青嶂削靈芝  
峭崿哀壑還人世  
暮鼓晨鐘自鬢絲  
已遣野場維玉騎  
合留崕月照金卮

麻姑山

冒險探深雲霧收麻姑山水冠南州潭深自激風雷險  
谷迴誰羣鹿豕遊仙女石壇高欲沒魯公碑版斷仍留  
可憐踪跡俱塵土兩瀑雲霄萬古流

題玄壇觀

江行晝靜便清暑水口山奇鎖吉安豈為天生饒怪石  
遂令人擬築玄壇潭渦地轉常年黑樓閣嵯懸五月寒  
風牖把杯聊暫倚海蒸雲起故須看

楚望望襄中形勢

楚望峰頭望楚雲遙憐紫蓋紫陽君廬荒不斷盤龍氣  
碑滅猶存墮淚文地轉江淮浮遠戍木同巴峽塹雄軍  
里名冠蓋非吾事願訪鹿門麋鹿羣

題黃公東莊草堂

草色通門柳覆牆繞堂新雨足時芳晴郊客過沾猶濕  
春晝人間覺更長拚引滿杯聽鳥哢願留餘醞待花香  
休誇水際兼山際且醉松傍與竹傍

少林寺



林深谷暝客子入鐘鳴葉落秋山空  
烟雲細裊石磯底  
巒岫亂積松窗中  
唐碑漢碣蘚字剝虎啼猿嘯蘿燈紅  
獨坐悠悠息塵想  
少室影下月出東

暑日過雪臺子園莊

蟬聲樹色村村似  
一坐君亭日每斜  
靜裏柴門惟燕雀  
老來樽酒是桑麻  
年豐隣里家家麥  
時至園林處處花  
苦熱只今憂赤土  
幾時龍起沛天涯

夏日過序公



炎天樓殿蔭空扉永晝雲林孤鳥飛病起出門風色異  
獨來清坐老僧依撲簾花片疑紅雪解帶藤蘿映紫衣  
萬事浮沈那得問但逢心賞莫教違

過馬陟次毛庶子韻

冉冉輕雷止復行鳳池清夏半陰晴漸看西日籠花氣  
誰放南風作雨聲融入塹沙將拂燕密侵宮柳益霑鶯  
晚來一赴薇郎約匹馬衝泥遠興生

別徐子禎卿得江字

我愛南州徐孺子明瑤美璧世無雙  
新從北極看南極便自吳江下楚江  
日落鷓鴣啼廟口水清斑竹映船窗  
襴衡王粲俱黃土千載何人復此邦

追舊寄徐子

憶昔逢君雪滿途遙憐為客向江湖  
看碑定憶羊開府作賦先投楚大夫  
日黑魚龍逐夢澤草青麋鹿上姑蘇  
空揮玉軫思流水不得驂驪見過都

送王照磨省覲

浮沙鼎鼎楚王臺苦竹泠泠帝子哀臘月江行鶯語合  
早春湘北杏花開貪趨綵服聊輕舫苦憶金門罷舉杯  
入幕却超難許並題橋司馬直須迴

喬太卿字宅夜別

竹梧池館夜偏寒促席行杯漏未闌燕地雪霜連海嶠  
漢家鐘鼓動長安吟猿見月移孤樹宿雁驚人起別灘  
二十逢君同躍馬十年回首笑彈冠

宿江氏

尋山累日山中宿玉港回鑣見爾家世遠樓臺喬木裏  
族繁門巷一溪斜深冬野竹猶風葉細雨簷梅已凍花  
惆悵哲人今異代玉峰回首碧參差

滕閣訪屠子感贈

章門屢出緣尋子滕閣留歡晚不回霜落磧洲江漸細  
日斜鄉國雁還來紅巾未信干戈息白髮能禁日月催  
千古棟雲簾亦捲西山秋色為誰開

泰和南行羅通政舟送

開船日午君俄至逆水開樽得並船  
貪數岼花杯不記已衝江雨纜猶牽  
雲山楚越相逢地劔珮京華始識年  
感昔願仍還省閣顧今俱已靜風烟

仰頭遇友夜泊感贈

舟夜雙燈倚碧灘江雲靄靄覆春湍  
中年獨覺滄洲穩直道誰非行路難  
坐裏旌旂環匯澤花時金鼓發長安  
時危故國思芳草懶慢先君得挂冠

夏日赴監察許君之宴同張監察

霜府池亭夏亦寒捲簾河嶽火雲殘筵開冰動琅玕簾  
酒伴灰行白玉盤驀口尋花時徑往躍魚投餌晚留歡  
孰教消暑陪驄馬自分清朝老釣竿

酬和許監察九日對菊之作

風簷落葉隨行步坐近寒花引濁醪久客重陽還細雨  
故山他日幾登高羈心汴館頻牽藥醉眼江門舊送濤  
願戢霜威長晚色賸抽英響續遺騷

酬和李子夏口遊天王寺見贈

玉皇諸閣鎖空寥夙昔攀緣客互招細細嵩雲通佛拱  
冥冥河氣度僧寮柏潭路古搖晴荔竹洞城陰掩熱椒  
聞爾昨遊吾自阻碧紗誰並照烟霄

正月二日臺卿李公監察毛公袁公枉駕而顧  
毛歸有作輒次其韻

君子三陽元並進朝廷四海況為家冠彈貢氏非吾願  
星聚荀門敢自誇走洗玉盤深映竹驕嘶驄馬半銜花  
綠樽未倒歸須夜臺柏無言已宿鴉



限韻贈黃子

禁垣春日紫煙重  
子昔為雲我作龍  
有酒每邀東省月  
退朝曾對掖門松  
十年放逐同梁苑  
中夜悲歌泣孝宗  
老體幸強黃犢健  
柳吟花醉莫辭從

再期王左史不至

地散官拘此亦稀  
草堂重約忍偏違  
元期芍藥枝枝賞  
忽復葵榴片片飛  
諸客酒停時望旆  
孤城日落尚留扉  
人生樂事真能幾  
野立蒼雲又白衣

河上茅齋成呈家兄

愚弟罷官兄獨喜卜築茅齋傍竹林開窗忽見萬里色  
背日常留十畝陰春來燕子休相賀日暮幽人且自吟  
庭下會栽棠棣樹牀頭新製有虞琴

閻曹二子發京姪本與之同舟而下有詩紀之  
予亦和此篇

共水同舟伴謫居海天春色靜涵虛蠻方故啟流官路  
漢史終收痛哭書蜀徼山高常戴雪滇門池苦亦生魚

上林花樹年年在  
前席行看入禁廬

三司諸公久有蓮池之約會  
雨阻不赴乃移兵  
司東圃而飲以詩

西城宿雨天虛阻東圃微晴人竟遊  
地濶儘容雲氣入  
亭深能使樹香留  
尊前俊傑齊三府  
林下迂疎自一丘  
勲業太平公等在  
故將高榻動南州

上方寺會監司諸公

梁園四月耐炎蒸  
衆飲松堂爽色凝  
天上樂聲僧梵接

掌中杯影塔雲層高情不使忙官奪野興常于勝地增  
西海漸生歸路月上方無藉散花燈

有哀

漢陰丈人甘灌園海上漁翁非避喧零亂春鷗橫夕浦  
萋迷烟草入秋原祇將華髮悲人世不使黃金怨子孫  
思向桂山歌偃蹇月明天碧況聞猿

九日衙齋對酒偶作

故鄉叢菊歎離居客邸秋花葉且舒四海重陽三滯酒

兩河歸雁幾傳書  
拂衣欲就淵明里  
短髮猶驅孟博車  
意遠遲回聊復酌  
浮雲北望立踟躕

丙子生日答田生

當時結客少年場  
走馬看花紫陌香  
三黜偶然齊柳惠  
兩朝奚但有馮唐  
壽杯今夕余同醉  
獻賦開春爾一方  
京國逢人問衰健  
為言吾髮已蒼蒼

辛巳九日田子要東陂之遊雨弗克赴

昨來晴立寺南邱  
城水湖雲向客流  
夕陽欲低鐘磬閣

隔岼忽聞簫鼓舟動興帆檣真為節阻人風雨故禁秋  
當離蘼菊披披艷獨嗅孤吟迥自愁

于少保廟

朱仙遺廟已沾衣少保新宮淚復揮金匱山河丹券在  
玉門天地翠華歸平城豈合留高祖秦相何緣怨岳飛  
最怪白頭梁父老哭裁松柏漸成圍

吹臺春日古懷

廢苑迢迢入草萊百年懷古一登臺天留李杜詩篇在

地應金元戰陣來流水浸城隋柳盡行宮為寺汴花開  
白頭吟望黃鸝暮瓠子歌殘無限哀

大堤曲

臘月大堤邊春風思宛然楊枝搖白日烟色裏金鞭

春曲二首

春風度山閣凭軒望江路簾動時有香不見花開處  
翩翩誰家燕銜泥向何所避人花叢裏忽復梁間語

曙

城雲白欲曙沙月上猶殘獨步憐紅葉空庭玉露團

野望

夕靜山容斂秋凝野色淒白雲留絕巘蒼霧隔前溪

石頭口竹飲

白日竹林中隤然脫巾醉風吹亂葉響醒看江日墜

白塔寺

遙訪青蓮宇相將白塔原春風亦自動爭奈碧莎繁

宿開先寺



僧閣暮鐘靜夏涼風色幽月出照瀑布猿啼西澗流

望龜峯

龜峯歸遇雨徹夜鳴不歇起望昨遊處惟見滿山雪

贈客

出郭江南望暮天雲北飛斷蓬寒更轉長路幾人歸

諸公石頭口舟餞

北巡察案合舟餞此江潯晚別隔烟浦猶聞橫吹音

潯陽寄耿叅政致仕

連年卑濕地無日不思歸況在潯陽見君帆獨北飛

贈劉東

渭濱三月時花滿扶亭道翩翩白馬歸青袍亂芳草

詠鷺

獨立娟娟鷺鷥人離石磯遙看一片雪深映碧山飛

皇陵歌

皇陵疊翠倚丹霄絳節飛光夜夜朝千古長風吹海月

萬山松柏照空寥

送友人

王孫笑向碧山棲  
春日春蘿裊裊低  
予亦悠悠芳草者  
白雲愁色草萋萋

送人入蜀

錦江風高生夕波  
蘆荻蕭蕭秋雁多  
問爾鄉關何處是  
巴人時唱下渝歌

夏口夜泊別友人

黃鶴樓前日欲低  
漢陽城樹亂烏啼  
孤舟夜泊東遊客

恨殺長江不向西

送王呈貢赴縣

二月扁舟過浙西  
楚雲何日度浯溪  
滇南小郭青山繞  
花發流鶯一樣啼

寄謝卿

擲笏南還尚黑頭  
移家西郭興全幽  
春晴定上滕王閣  
日暮江平起白鷗

暮春余莊

暇即來遊因即眠玉林長醉彩雲前  
春風暮起楊花亂  
疑是梁園雪裏天



石倉歷代詩選卷四百四十八

欽定四庫全書

集部

石倉歷代詩選卷四百四十九  
五十

詳校官右中允臣薩敏

侍讀臣孫球覆勘

總校官進士臣朱 鈐

校對官中書臣汪學金

謄錄監生臣周 煥

欽定四庫全書

石倉歷代詩選卷四百四十九

明 曹學佺 編

明詩次集八十三

左國璣

空同席上餞別陳大行愚泉

皇士竟綸翰旋軫適帝鄉  
轅馬暫回鑣言稅君子堂  
華洞宵逶迤綺席錯圓方  
雲鴻唳時響庭木敷春芳  
昔譽



徒結念今範得俱詳客轉百歲懷主稱萬年觴觴至勿  
復辭勸君且解裳竹實本傾鳳雛鳴在朝陽神劒慕合  
并雄雌苦分張歡娛不終夕隔別違吟疆豈無他時期  
此日難遽忘

林居簡高蘇門

冰井已凍合風林長夜鳴借問園居客邇日何為情應  
知弄明月不惜霜華生顧影踏落葉微吟瞻太清自信  
誰復知回身掩茅衡

郭桐岡樓宴集

華圃倚崇墉飛觀凌白日招尋偶同遊登陟遂閒逸逍  
遙覽芳蒨結構轉幽密亭深碧篠茂倚挺丹泉溢虛曠  
週遠阡岩崑促危膝迴颺灑窗牖朗咏散縹帙仙依李  
郭棹綺振王楊筆慕往歎睽離俯來繼前述憂傷感蟬  
螭局促展蟋蟀勿為逝波惜且共賞瑤瑟

草堂雪霽卷為樊雙巖憲副題

天皇開九宇胙土羅羣英負海得樊侯濟水無波驚千

廬動織作八校皆降耕休沐省雙親擁旄來鄆城築圃  
構草堂堂成雪初晴戈鋌列曉色俎豆聽寒聲四座敬  
賓筵為歡散幽情時逝運不留人往堂亦傾蕭條百年  
內餘迹遺芳名孫乃人中豪屹起追前德橫豸登荒基  
覽古氣悽惻遐想屯軍時儼見旌旗色開軒樹蘭蓀辟  
逕剪荆棘瀟森寒竹秀崢嶸古松直飛雪灑林臯淒清  
冷光逼繼世有令才茲堂何壯哉田橫去島上宮殿生  
蒿萊西陵掩魏主銅雀虛高臺至今幾千年誰為整荒

頽瓊樓已覆地草閣還崔嵬定想樊侯靈應從雪霽來

芳洲吟

蒿艾徒滿握不如佩蘭芷所期芳洲人搖棹在何許烟  
波浩無際凝望獨延佇日暮思不來涕泣霖如雨

聽琴

江上彈玉琴江清有餘音澄波處處動驚起魚龍吟更  
覺月華白况茲寒露深惟有鍾期子千秋愜素心

寄王祭酒庸之

負鼎感隆湯自賣信開秦畧足向燕京投策干要津冀  
與時賢遊隨車躡清塵赫赫明廷中聊時有所陳九度  
涉關梁齋志難為伸乃知懷中玉不是荆山珍抱璞復  
歸來耦耕濁河濱刈蘭欲自佩歲晚色不新改轍在其  
初末路多遭屯所願惠金玉樂為丘中民

履齋吟

世人重亨衢逸駕盡龍驤策足倚造父轍迹歷九方倏  
忽萬里餘盼睎生輝光一朝有更變倉卒返故疆達人

識遠圖盤桓丘林傍晤言一室間役志不出鄉豈伊異  
黃鵠而與雞鶩行卑棲無深憂宴處多安康君子諒有  
知茲與神化翔願言同其歸遐路徒慨慷

飛布晴嵐

大地運虛舟四遊靡定止常留一飛布挂在晴空裏自  
從鴻濛開勢逐長空起白日影丹霄蒼嵐照江水周流  
千萬祀浩蕩何時已

沙溪夜月

澄溪寂無喧皎月清可掇白沙遡沿迴兩岬皓成雪朗  
詠扣夜舡搖漾水烟滅忽憶同心人薰葭渺孤潔誓將  
共巢由永與囂塵絕

竺溪烟雨

白雲出崖間化作橫天雨溟濛竺溪寺樓觀不可覩遙  
聞疎鐘來杳靄度前浦嗟爾山中人經年不出戶因知  
靜者心悵然青蓮宇

南畝春耕

朝驅白牛出暮驅白牛返田中雨初晴常恐東作晚晨  
耕隴雲直春灌流泉煖沮溺胡為勞龐公太偃蹇

北窗夜讀

秋蛩啼草垣林葉下茅屋北窗夜篝燈涼颺扇修竹幽  
人自履坦常詠往賢錄更殘石泉鳴月落霜烟綠冥搜  
別有懷豈為千千斛

晚秋東門郭使君樓宴集得月字

肅氣澄原陸秋事已季月我來登茲樓憑虛眺林樾空



天白虹度落日紫烟發墟里盡耕種古人去不歇但看  
舊岡阜臺殿已蕪沒歷歷對往迹誰能不驚骨胡為坐  
憂歎作色相矜伐玉盤饌黃雞石鼎烹野蕨美酒三百  
斛深杯豈辭罰嘯侶且為歡勿令老玄髮

贈黃山人遊五嶽

五嶽分五方迴薄凌穹蒼遙從太極判秀色新如常中  
藏古仙人玉貌無凋傷日月掩靈洞雲霞封石床黃公  
有高標拔俗心飛揚恥隨家鶩食思與烟鸞翔同天不

相知投契在短章青鳥昨日來報予渡江湘涉歷徧九州  
躋攀覽遐荒天遊捫羣峰虹度窺石梁僕本飡霞人  
聞之悅肝腸但恐陰陽移人命如朝霜何不早辭家駕  
鴻鞭紫鳳四嶽倘歸來嵩丘是吾鄉若采三花樹行隨  
白鹿傍

秋夜宴西亭得蓮字

公子愛交結閒園廣招延置酒臨清池泛池開紅蓮落  
日雲雷生銀塘洒秋烟飛雨海上來倏忽成流川張登

縱飲博謔浪驚座前夜半四天開星河燦相鮮長歌傾  
金壘且復樂當年勿為苦行役擾擾空拘纏今日不痛  
飲古人應獨賢

夜宴

素月出昊天楊花射雲外趙女並承恩雙雙掃眉黛兩  
頰如花紅笑語入漢宮臺高七寶麗掌上舞回風絕世  
舞絕世歌君王宴樂醉顏酡長門暗數飛螢盡紈扇班  
姬怨若何

郭卜者歌

我欲攀龍躡星斗一生九度長山走萬言空自委塵沙  
百結歸來獨箝口梁州東門十畝田中有灌木青雲連  
草堂六月灑冰雪脫巾露頂東窗眠我向其間老耕稼  
短衣破帽隨村社但與雞豚學共栖誰能山岳論高價  
濮州野人真有仙說生道死能通玄燕齊豪貴皆下榻  
是處凡夫俱執鞭昨來為訪東門客座上放出驚人舌  
五等侯王指掌間一州小大皆能別聞君談天妙無窮

白日鬼神來眼中謂予當來有亨達老馬不覺生長風  
忽然鼻息吹雲起魚龍捲動秋江水意氣橫生滿腹間  
英聲笑宰鄉人會據鞍虎盼將奈何斗米十肉焉用多  
風雲一日成感會渭濱老人拋短簑我也頭顱未霜髮  
挽弓百步猶能發少小常懷報主恩此回不是貪功伐  
山人山人言不輕一語白璧酬連城待予盡節歸來日  
與爾花間說舊盟

懷湘歌

近竹先生愛修竹常在深林玩幽獨恨不同生湘浦中  
此身化作蒼筤玉穉子纔生錦苞束鳳梢未展烟霄綠  
可是誰收嶰谷枝先生已入橫吹曲秦娥一去幾千年  
兩兩隨鸞向遠天綵雲落漠無消息祇有遺恨與世傳  
于今筍長摩霄漢懷湘未識先生面月想雲疑夢裏魂  
風號雨泣湘江岨波寒七澤烟光亂洞庭瀾望君山斷  
歎爾湘妃共此心至今斑竹臨江見我也同為失怙人  
俱從少小作窮民九泉無路追英魄千古常悲暗損神

君不見申生不辯遭讒肉伯俞泣杖何曾辱膝下寧為  
效死兒人間不作無情物

夏日高封部過余讀書處

野人避徵書不受朝簪擾忽棄紫金魚來尋白鷗鳥夷  
門城東甘隱居蓬草不見談玄廬皆云管樂能龍卧誰  
識虞卿亦著書炎天爾跨青騾走何意敲門訪巢叟入  
林一笑草堂開習習涼飈吹戶牖勸君且解白綸巾我  
有一壺江南春醉來笑向東村去碧樹青霄月似銀

龍岡為葉子賦

龍岡高插青冥起蟠根下侵太湖水葉氏仙巢何氏留  
全家真在桃源裏山間種稻湖邊魚山人讀盡山中書  
青松落影瑣牕戶白雲拂地藏幽居可歎南陽卧龍客  
起來叱咤收英傑風雨年年撼草廬竟從巴蜀開王國  
我亦燕郊謁帝鄉常山走老髯如霜何時為訪仙人去  
龍卧湖邊萬仞岡

別南塘子



五月麥熟繭絲黃鵬啄堪鳴桑枝南風送帆五兩急  
吳江酒船初到時牛車日轉曹門進鼓市樓西集成鎮  
金椎初破紫泥封玉壺瀉出黃金嫩當年交結十輩豪  
鞭撻揚馬雄風騷邀遮直上酒樓去意氣掃拂天雲高  
當樓豔婦調金瑟袒博喧呼動阡陌銀燭燒殘北闕星  
織歌舞落西山月風蓬聚散各沈淪復見何人據要津  
五陵日月無精魄鄉里衣冠有俊民于今尚作紅塵客  
掉臂東華獻時策恥逐童年走帝鄉懶隨南鴈飛燕北

聞君高誼非常流，意氣傾倒山。為投片言貴，合黃金小。  
一斛可散千春愁。我今生年已半百，種種顛毛欲成雪。  
可惜腰間玉轆轤，光芒猶見秋烟白。閑來解贈南塘君。  
看我劒上搖星文，不用千金答高價。但博壺頭一醉醺。  
兩都詞賦何勞獻，五軍大纛何須建。一息春雷我自酣。  
百年事業君應見。此回酒船何日來，望君日上梁王臺。  
迷留且作哺糟客，未是千秋冠古才。

牧牛行為傅憲使題

即墨城頭鼓聲疾安平夜縱火牛出龍紋盡逐海烟消  
空道燕人皆股慄陳濤血濺流成波楊綰效古用法過  
義軍十萬一朝盡牛車羊車將奈何虎賁西來靜中夏  
手握乾符運元化歸馬山陽動作羣牧牛已入桃林下  
中都飛龍真聖人開天立地康斯民邇來一百八十載  
整頓萬物歸陽春女知紡績男知稼白犢烏犍滿桑柘  
農事殷豐見國禎太平寫作人間畫霜臺憲使凌川公  
驅車洛下來觀風自言實此是絕筆意思有在真無窮

提攜為訪東門客  
幃子春含野烟白  
山雨初晴飽放回  
閒眠碧草垂楊陌  
此圖上應三台光  
吳偉畫出非猖狂  
我聞保泰在公葦  
幾時振鐸登岩廊  
丞相當時見何晚  
道傍苦問耕牛喘  
但使常調玉燭和  
無勞更辨春深淺

郭桐岡新樓歌

河流走中原  
蕩決平如掌  
獨有梁王臺  
突兀空冥上  
桐岡夫子不世才  
妙年解綬先歸來  
臺邊選勝起樓閣  
丹青對立青雲隈  
八牕天影垂綃幕  
嵩行累累眼中落  
別

有飛軒瞰隋堤城陰窈窕山環閣君知此臺與畫樓樓  
高還俯臺上頭古今相接此登眺賓客皆從霄漢遊梁  
王歌管今安在頽波注海誰相待但使常年樓上遊持  
杯送目青天外

寒夜吟贈吳江主人

昏鐘夜定華月高霜氣入室風蕭颼主人下簾執明燭  
玉壺瀉出香葡萄冰河赤鯉價重萬洞庭黃柑初破苞  
解我吳鉤佩著我赤霜袍當杯更發鷓鴣調意氣落魄

無辭勞白日營營苦多務喫飯梳頭日云暮不來清夜  
與爾遭枉使黃金滿箱庫當年平樂宴賓客十千五千  
更不顧如花少女勸酒歌醉沒西山月華素吳江主人  
逸興清寒夜好客歡相迎紅爐煖灸薰空焰不怕河水  
凍玉成

泂溪歌贈程自邑

野客如浮雲隨風恣天行好遊練水弄明月放舟却恐  
羣鷗驚邇從陰厓斬蒼玉萬竿蕭森成一束紫籜深穿

菑菑香翠梢猶映菰蒲綠  
汴溪仙人乘興來何須鼓棹  
烟濤開輕颺一日九潭徧  
魚鳥到處無嫌猜忽然飄飄  
鏡中走却逐靈槎貫牛斗  
擬垂蓮葉天上遊下視萬物  
俱芻狗即今放浪已忘機  
烟雨灘頭任不歸蘆花搖影  
醉眠處笑爾雲帆海上飛

野堂餞陳子鎬之南都

我從夷門來送君金陵去  
野館離筵春晝晴楊花茫茫  
幾千樹風吹亂撲金樽飛  
行人且解碧羅衣鳴箏送酒

勸君醉明日出門知者稀

海鶴翱翔為土官太守蒙三鶴賦

三鶴巢滇南不知幾千載雪羽點蒼山丹砂照雲海偶  
爾隨長風蓬萊訪玄宮摩天縱羽翼忽到夷門東我在  
東門抱關里心似閒鷗弄烟水羨爾高翔天地間恨不  
同乘白雲起燕山北上黃金臺春晴雨足花正開歸來  
定受仙都訣為問長生養化胎

石鯨歌



漢主鑿昆明斬地巨鼃死刻石為鯨魚揚鬚弄波水千  
年事往不可還石鯨散失天地間偶從睹此異代物蒼  
鱗剝落苔生斑吞流吸海猶掀口耳邊彷彿驚雷吼白  
晝烟昏風雨來只疑拔起橫天走君不見銅駝已沒荆  
棘中金莖蕩析今成空古時故物盡塵跡石鯨何用悲  
秋風

清夜吟

清夜沈沈漏將換東方月高銀河淡美人調箏促金鴈

清歌一曲行雲斷四座賓客不肯散時時顧影流清盼  
主人更催著舞衣羅縠花亂銀燭輝腰肢拂地鸞孤飛  
鐘殘漏盡未忍歸問言乃知竇氏女昔日掌中今是非

樂遊行

白馬玉連環盤遊梁苑間漢皇子孫幾千數擊球射獵  
無時閒錦衣花帽羣成戲馬前行者皆辟易就中文雅  
豈無人却抱琴書尋散地古城北隅春水平塔影倒映  
春波晴僧房窈窕入幽逕桃花參差啼亂鶯松林晝閒

時繫馬招引東門抱關者虛車豈祇降階迎當筵盡出  
諸賓下君不見往日信陵稱雄豪意氣直與秋雲高扶  
持天上兩日月叱咤四海皆時髦釣魚屠狗藏英輩淘  
金辨玉休從類過市常存罄折心男兒勿逞須臾貴

東莊書寄尉氏胡柏林

我宿東皋舊草堂六月灌木吹雲涼披襟時弄碧天月  
獨醉山花發興狂因逢道士海上客南出蓬池雲路長  
為子問訊蓬池子阮公嘯臺今亦圯步兵酒興名天衢

不醉空隨世人死我田黍熟垂黃金我屋麴蘖山嶽岑  
新秋釀甕一百石何不遙來歡此心君不見雄虺九首  
氣吞海當衢一號萬夫臨北窗日午眼未開烟蘿掛壁  
流鶯待起向當窗弄木瓢頽然卧看浮雲改

送太僕卿燕泉何公

我聞天廐之馬千為羣五花雜沓皆成雲前年驅賊付  
壯士十種消耗無三分邇來西胡連北漠將軍跣足相  
爭搏思昔龍媒得跨鞍飛騰掃靜山陰落只今麒麟何

可無深山野澤銜枯蘆過都歷塊未得試臨風當憶空  
長吁公今為國收駿才馬首空惜千金陪驂騑綠駟天  
下來犬戎生見成烟灰三邊大鎮夜不閉將軍笑飲單  
于臺

送人遊蜀中

蜀山中開大江走洪波噴箭射荊口排山轉石萬里來  
瞿塘臘月聞雷吼孤舟窈窕穿雲中灩澦乃在瞿塘東  
輕風送帆無挽力一日飛過峨眉峰男兒生當遊萬里

何能齷齪閨房裏君不見子長足跡天下多至今文彩  
流江河

書黃工部扇

誰云黃部使七十轉能詩無復論高適還能繼左思笑  
來雲海濶興入春花遲近有相思約應逢月滿時

登樓

茲樓懷有歲今日始登天俯出萬柳上仰窺孤月圓星  
河浮盞動風露逼衣單對此曠無極令人興欲仙

贈牛都督

北極辭龍朔西湖隱豹韜風雲變山岳魚鳥散波濤楊柳吹羌笛荷花照錦袍醉來看伏石射虎氣猶豪

下第歸桐岡園小酌

無策干明主多情夢故林重來高閣上終日聽風琴綠酒邀狂態閒雲縱野心不知春已暮花樹碧成陰

林亭夏集

梁州無嶮絕六月看雲峰潋灩回塘影芙蓉落鏡中連

天橫北閣微雨送南風竟日林居飲蕭然此興同

贈趙將軍

老將搖征旆提兵出漢家幾年閒豹畧萬里渡龍沙驛  
路村村雨邊城處處花幕南無戰馬終日醉聞笳

送熊御史巡邊

御史巡邊日單于款漢家草深秋牧馬風息夜聞笳使  
域功何補留屯計最嘉休令健兒獵耕鑿到鳴沙

報恩寺集



向夕吾當去因君且暫留曇花依砌落松逕入堂幽莫  
謾題春句還期上晚樓帝鄉風日好宜作醉中遊

送人之越中

五月南州去仙舟入水鄉荷花嬌弄色棹撥鏡中香月  
到勾吳滿山當越嶠長孤蓬晚開酌偏送好風涼

題畫

誰掃丹青筆因開江上樓帆檣背日集水石傍林幽楚  
澤流難盡吳山翠不收幾時吾放舸奇絕覽茲遊

秋夕漫興

宵涼愛枕簟，啓戶月臨牀。  
遙見星河度，微聞露樹香。  
寒帷拋羽扇，散帙卧清光。  
野處仍孤夜，因知道味長。

題蘇李泣別圖

蘇武天山下，吞羶嚙雪花。  
誰知寄書鴈，飛到漢皇家。  
去日持丹節，歸頭滿素華。  
相隨李校尉，別淚泣胡沙。

夏日林居

五月虛簷下，南風不斷涼。  
雲來常帶雨，花潤暗聞香。  
怕

酒因妨客耽幽懶著裳楚騷辭賦客歌咏自疎狂

夏日酬方鄭二子見訪

野院夕陰入掃除仍布筵地經殘雨後人醉碧蘿前落  
日歸雙鷺喬林響萬蟬涼颼吹不斷應為兩高賢

春日與空同太室遊上方寺

寶地千年會金尊二月花但期遊白日忽已暮烟霞塔  
迥星河倒壇虛水月賒留歡更笙磬同醉遠公家

夜宴

落月不到地高堂風露涼共因重九逼先泛菊花觴銀燭題詩換羅衣客醉香更深不歸去故遶竹籬傍

雨後繁臺寺訪高子讀書處

塔院談經處吾來風雨時秋深林葉散雲度磬聲遲莫擬登樓賦應歌伐木詩古廊明月夜翹首動遐思

送人還吳

九月旬初到東吳人却回如何違令節不共菊花開水國蘼葭老川河鴻鴈來知君多感慨應上旅中臺

雨後登蘆岡樓

偶到蘆岡上淹留未肯歸  
綠槐當戶滿細雨入簾飛  
黃鳥初啼日殘春已換衣  
平生湖海興好客見君稀

九日訪白塔院僧承菴

嚴霜日午氣不暖  
客到竹扉僧自開  
已見高梧下黃葉  
更憐黃菊委青苔  
甌將野笋供茶入盤出  
山蔬送酒來  
郭外相逢惟老衲  
劇談常是月中回

送田太室之江西

河流今與大江通一水輕帆快北風  
梁苑卜期應夏早匡山看月定秋中  
江聲呼浩三吳險樹影參差六代宮  
回首不堪重感慨酒歌愁對夕陽紅

春日北上諸生餞于大梁門

朔雲邊雪滿燕關明日驅車渡遠山  
花館不辭春酒醉旅庭誰問暮烟寒  
百年際會青霄上一日開陳紫禁間  
何處讀書寄朋舊曲江花發錦欄斑

二月十五日大雪

梁園一夜雪紛紛  
幻出瓊州二月春  
楊柳盡容飛絮白  
桃花不讓早梅新  
山陰并下尋芳棹  
灞水魚遊被袂人  
今日司陽誰定律  
條風空自協佳辰

酬黃工部平賊之作兼值時雨有感

黃巾賊破雨蕭蕭  
旱魃攬槍一日消  
思婦解歎鳴鵲埵  
歸軍應濕畫龍標  
沙清凱路歌偏壯  
柳向營門色漸嬌  
況是賞筵燈火近  
月明笳鼓醉春宵

聞餘寇東奔再示諸將

羣盜東奔忽電驚漢軍追討夜翻營誤迷險道人隨馬  
暗度寒原雨洗兵陣捲風雲聯八校堠傳烽火越千城  
歸來奏凱酬勲日杖杜歌長宴鎬京

桐岡席上送朱二峰給事

湖南遙望雪雲開漢使星輶帝里來華館暫能留客醉  
夕陽休向別筵催夷門燈火逢元夜楚國民風問草萊  
何日回旌更春賞杏花東郭共傳杯

夏日和氏莊同田三使君



去廊村居遂考槃炎天聊解使君鞍不辭野饌扳留薄  
更覺茅堂意緒寬雲近清秋常弄態林淹宿雨晝生寒  
經旬亦有看花約僻地還同一醉歡

元夕立春喜雪

青陽已送當年令午夜先開瑞雪花麗句漫誇裁謝女  
玉樓渾疑在盧家纖承畫轂浮光碎密灑瑤燈亂影斜  
醉賞不知天欲曙凍雲城廓起哀笳

和戴龍山留別諸友之作

故人一別幾經霜此日園亭暫解裝  
自喜壺觴連夜酌已驚雲夢繞秋涼  
萬蟬當座繁聲急獨馬催歸晚路長  
向夕登臺正東望碧天月色已蒼蒼

送鄭冠玉

血濺甘涼十二州上皇西顧不勝憂  
肯將飛騎追騎虜爭似中原鳥雀愁

送鮑惟傑南歸

送君春晚下長川一棹東飛逐紫烟  
漫憶龍山花尚好

跨驢終日聽啼鵲

石倉歷代詩選卷四百四十九